

ՀՀ կառավարության «Ավտոտրանսպորտային միջոցների շուկային ներկայացվող պահանջները սահմանելու մասին» որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

<<---->>---- 2022 թվականի N ----- - Ն

ԱՎՏՈՏՐԱՆՍՊՈՐՏԱՅԻՆ ՄԻՋՈՑՆԵՐԻ ՇՈՒԿԱՆԵՐԻՆ ՆԵՐԿԱՅԱՑՎՈՂ ՊԱՀԱՆՋՆԵՐԸ ՍԱՀՄԱՆԵԼՈՒ ՄԱՍԻՆ

Ղեկավարվելով «Առևտրի և ծառայությունների մասին» Հայաստանի Հանրապետության օրենքի 5-րդ հոդվածի 11-րդ մասով՝ Հայաստանի Հանրապետության կառավարությունը **ո Ր Ո Շ ՈՒ Մ** է.

1. Սահմանելավտոտրանսպորտային միջոցների շուկային ներկայացվող պահանջները՝ համաձայն հավելվածի:
2. Սույն որոշումն ուժի մեջ է մտնում պաշտոնական հրապարակման օրվան հաջորդող օրվանից:

Հավելված
ՀՀ կառավարության

<<—>>—2022թվականի
N —-ն որոշման

ԱՎՏՈՏՐԱՆՍՊՈՐՏԱՅԻՆ ՄԻՋՈՑՆԵՐԻ ՇՈՒԿԱՆԵՐԻՆ ՆԵՐԿԱՅԱՑԿՈՂ
ՊԱՀԱՆՋՆԵՐԸ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն պահանջները սահմանում են Հայաստանի Հանրապետության տարածքում ավտոտրանսպորտային միջոցների շուկաներին ներկայացվող ընդհանուր պահանջները:
2. Սույն պահանջները տարածվում են Հայաստանի Հանրապետությունում ավտոտրանսպորտային միջոցների շուկաների գործունեությունն իրականացնողների վրա:
3. Սույն կարգում օգտագործվում են հետևյալ հիմնական հասկացությունները՝

1) **ավտոտրանսպորտային միջոցների շուկա**՝ ավտոտրանսպորտային միջոցների առուվաճառքի իրականացման վայր:

2) **կառավարիչ**՝ ավտոտրանսպորտային միջոցների շուկաների գործունեություն կազմակերպող իրավաբանական անձ կամ անհատ ձեռնարկատեր:

II. ԱՎՏՈՏՐԱՆՍՊՈՐՏԱՅԻՆ ՄԻՋՈՑՆԵՐԻ ՇՈՒԿԱՆԵՐԻ ՏԱՐԱԾՔՆԵՐԻՆ ՆԵՐԿԱՅԱՑՎՈՂ ՊԱՀԱՆՁՆԵՐԸ

4. Ավտոտրանսպորտային միջոցների շուկայի ընդհանուր տարածքի մակերեսը պետք է լինի առնվազն 50000 քառ. մետր, այդ թվում՝ փակ տարածքներինը՝ առնվազն 1000 քառ. մետր:

5. Ավտոտրանսպորտային միջոցների շուկայի տարածքը պետք է հստակ սահմանազատված լինի ցանկապատով և լինի ամբողջովին ասֆալտապատված:

6. Ավտոտրանսպորտային միջոցների շուկաները պետք է ապահովված լինեն իրենց հատկացված հողատարածքի սահմաններում գործող ավտոկանգառով, որի մակերեսը չպետք է պակաս լինի, քան ավտոտրանսպորտային միջոցների շուկայի մակերեսի 10 տոկոսը:

7. Ավտոտրանսպորտային միջոցների շուկայի մուտքերը պետք է կառուցվեն այնպես, որ չառաջացնեն խցանումներ:

8. Եթե դեպի ավտոտրանսպորտային միջոցների շուկայի տարածք մուտքը և ելքը նախատեսվում է իրականացնել միջպետական և հանրապետական նշանակության ավտոճանապարհներից, ապա պետք է ապահովվի Հայաստանի Հանրապետության կառավարության 29 դեկտեմբերի 2005 թվականի N 2404-Ն որոշման պահանջների կատարումը:

9. Ավտոտրանսպորտային միջոցների շուկայի տարածքը պետք է ունենա համապատասխան գետնանշումներ, տեղեկատվական ցուցանակներ և կահավորանք՝ տրանսպորտային միջոցների կայանումն ապահովելու և անվտանգ տեղաշարժը կարգավորելու համար:

10. Ավտոտրանսպորտային միջոցների շուկայի տարածքում պետք է առկա լինեն սանիտարական հանգույցներ և հասարակական զուգարաններ:

11. Ավտոտրանսպորտային միջոցների շուկայի տարածքի վերահսկման նպատակով տարածքը կահավորում են հեռակառավարվող տեսախցիկներով՝ տեսագրելու հնարավորությամբ:

II. ԱՎՏՈՏՐԱՆՍՊՈՐՏԱՅԻՆ ՄԻՋՈՑՆԵՐԻ ՇՈՒԿԱՆԵՐԻ ԳՈՐԾՈՒԼԵՈՒԹՅԱՆ ԿԱԶՄԱԿԵՐՊՄԱՆԸ ՆԵՐԿԱՅԱՑՎՈՂ ՊԱՀԱՆՁՆԵՐԸ

12. Կազմակերպիչը ավտոտրանսպորտային միջոցների առուվաճառքը տեղում կազմակերպելու նպատակով ավտոտրանսպորտային միջոցների շուկայի տարածքում ապահովում է փաստաթղթերի ձևակերպման և վճարումների իրականացման համար անհրաժեշտ պայմաններ:

13. Սույն պահանջների 12-րդ կետում սահմանված պայմանների ապահովման նպատակով ավտոտրանսպորտային միջոցների շուկայի տարածքում պետք է տեղադրված լինեն վճարահաշվարկային համակարգեր:

14. Ավտոտրանսպորտային միջոցների շուկայի տարածքում կազմակերպիչը պետք է նախատեսի տարածքներ`

1) ճանապարհային ոստիկանության հաշվառման-քննական խմբի համար` տրանսպորտային միջոցների պետական հաշվառման գործընթացը իրականացնելու նպատակով.

2) տրանսպորտային միջոցների համարանիշեր պատրաստող կազմակերպության համար.

3) տրանսպորտային միջոցների ներմուծման և արտահանման գործընթացը կազմակերպող պետական և ոչ պետական մարմինների համար` անհրաժեշտ ձևակերպումները տեղում իրականացնելու նպատակով.

4) սննդի կետերի, ավտոպահեստամասերի վաճառքի և տեխնիկական սպասարկման կետերի համար.

5) ըստ անհրաժեշտության տրանսպորտային միջոցների առուվաճառքի գործընթացին առնչվող այլ գործունեությունն իրականացնողների համար:

15. Ավտոտրանսպորտային միջոցների շուկայի տարածքում պետք է տեղակայված լինի կառավարչի վարչական ապարատի շենքը:

16. Ավտոտրանսպորտային միջոցների շուկան ավտոտրանսպորտային միջոցների մուտք գործելու և տարածքից դուրս գալու համար պետք է ունենա մատչելի և անվտանգ ուղիներ:

17. Ավտոտրանսպորտային միջոցների շուկայի կահավորման և գետնանշման աշխատանքներն իրականացվում են Հայաստանի Հանրապետության օրենսդրությամբ սահմանված պայմաններին համապատասխան` կազմակերպչի կողմից, իր միջոցների հաշվին:

18. Ավտոտրանսպորտային միջոցների շուկայի ծառայություններից օգտվողների համար ներկայացվող տեղեկատվության վերաբերյալ ցուցանակները պետք է տեղադրվեն մատչելի և տեսանելի վայրերում:

